

Uhtuon Šeuvin Perinnešura

Šura peruššettih 11.12.1991 Helsinkissä. Šuran johtokuntah valittih ekonomisti Paavo Ahava Helsinkistä, luonnontiet. kand. Heikki Arhippainen Helsinkistä, varapiäjohtaja Panu Haapala Espoošta, ekonomisti Iivo Ranne Helsinkistä, diplomikauppieš Reino Rinne Rovaniemeštä ja fil. magisteri Irja Rämä Helsingistä. Johtokunta valičči keškenäh piämiehekši Paavo Ahavan ta varapiämiehekši Panu Haapalan. Šihterin tehtävie ryhty hoitamah Heikki Arhippainen. Johtokuntua päätettih täyventyä šuran enšimmäiseššä vuosikokoukšeššä niin, jotta alovehellini etuššuš šuatah tašapainosemmakši.

Šuran lähtökohtana on, jotta še toimiu enšišijasešti Šuomeššä ta Ruočissa eläjien, Uhtuošta lähtösin olijen šukujen yhyššitienä ta vualie uhtuolaista kanšanperinnehtä.

Enšimmäisen varšinaisen toimintavuuvven piätapahtuma oli Uhtuon pruasniekka, kešäjuhla, kumpasen šura järješti yheššä šikaläisen Uhtuo-Šuran (nykyjäh Uht-šura) kera Kalevalan kulttuuritaloššä 31.7.–1.8.1992. Šuomesta oli mukana 34 šuran jäšentä. Uht-šeuralla luovutettih Akseli Gallen-Kallelan šuunnitteloma, Uhtuon muakuntapäivillä vuotena 1920 hyväkšyttü, Karjalan lippu. Kešähellehieh maisemieh tuttavuššuttih šekä vesillä jotta lentokonehešta. Uhtuon kešäjuhlista piätettih luatie perinneh, kumpani toistuis ainaki joka toini vuosi. Šurah peruššettih šukututkimuš- ta perinnehošaštot. Šihteri vaihtu ta Anna-Kaisa Haapala hoiti virkua šuurimman ošan vuotta.

Avun piäkohtehena kanšallini lapšientarha

Vuuvven 1993 elokuuššä pietyššä kokoukšeššä johtokunta piätti ottua Uhtuon Šeuvin Perinnešuran virallisekši avuššuškohtehäkši juuri valmistunuon Kalevalan kanšallisen lapšientarhan. Šajekuuššä Uhtuoh vietih perävaunullini Helsinkissä kiini pantuista lapšientarhoista ta Paasikiven Nuorisokyläštä šuatu kaluštu ta kukkasie, lapšienkirjoja šekä opaššuštarvikkehie. Paikallisie lisähankintoja varoin lahjotettih lisäkši 4.000 markkua. Talvikuun viimesellä netälillä šuran etuštajat oltih vierahina lämminhenkiseššä Uuvven vuuvven pruasniekaššä, kumpani šamalla oli lapšientarhan virallini avajaistilaisuš.

Šura otti omah ohjelmah myöš alovehellisien karjalaisjuhlien järještämisen. Enšimmäini niistä, ohjelmallini illačču, piettih Rovaniemeššä pimiekuuššä. Vanha Uhtuon kartta šuatih toimintavuuvven aikana valmehekši vanhojen uhtuolaisien avulla. Johtokuntah kuuluttih Paavo Ahava (piämieš), Panu

Haapala (varapiämieš), Vesa Lammela, Lauri Pälli, Iivo Ranne, Reino Rinne, Irja Rämä ta Pauli Vepsäläinen. Šihterinä toimi Anna-Kaisa Haapala.

Pruasniekkaperinne

Kešän 1994 piätapahtuma oli Uhtuon pruasniekka, kumpani järješšettih yheššä paikallisen Uhtuo-Šeuran (nyk. Uhut-šaura) kera Il'änpäivän aikah, heinäkuun viimeisenä netälinloppuna. Viralliseh juhlatilaisuteh kulttuuritalošša ošallistu noin 200 ihmistä, kumpasista puolet oli Šuomešta päin. Vielä enemmän rahvašta oli keräytyn toisena juhlapäivänä, pyhänäpiänä, kisapellolla, kumpasen viereššä oljalla aukivolla Kuittijärven rannalla pal'l'aššettih arvokkahin pravoslavnoin ritualein matkamiehen risti. *) Iltapäivän ulkoilmajuhlan kohokohtie oltih vauhikkahat kanšantanššit, kumpasie esitti Šuomešša kuulusa Rimpparemmi Rovaniemeštä. Ryhmän taitoja oli ihual'tu jo šuovattana kulttuuritalon tilaisuuvvešša. Petroskoista tullun Karjalan Rahvahan Liiton kuoro Oma Pajo ta Kalevalan laulukuoro Veikko Pällisen joholla ilahutettih rahvašta. KSS:n kyykkäkerhon järještämä kyykkäottelu herätti kaččojissa šuurta mielenkiintuo.

**) Matkamiehen rissin luatija oli uhtuolaini Rudolf Jegorov.*

Šeuran johtokunnan jäšenet rikeneh vierailtih vuuvven aikana Uhtuon lapšientarhašša työntäen šinne erilaisie tarvikkehie. Šyyškuušša vietettih Kuusamon opiston tiloissa karjalaini illačču, kumpani oli järješšetty yhteistyöššä Kuusamo-Viena -šeuran kera. Mikkelin gubernijan gubernattori J. Juhani Kortesalmi piti esitelmyä Vienan entisaikaisešta porotalouvešta. Tilaisuuvvešša oli toista šatua ihmistä.

Uhtuon časoun'aprojekti

Johtokuntah valittih Alli Kaukoniemi uutena jäšenenä Pauli Vepsäläisen tilalla. Vuuvven 1995 aikana ruvettih aluštavašti valmistelomah projektie, kumpani koški časoun'an rakentamista Uhtuošša. Šeuran johto kävi asiešta neuvottelomašša mukah lukien Aunukšen ta Petroskoin piispan Manuilin kera. Kešällä Uhtualla peruššettu pravoslavnoi šeurakunta ta paikallini Uhtuo-Šaura (Uhut-šaura) toivottih täh projektih Šuomešta konkrettista apuo.

Šaura on ielläh tuken omua virallista avuššuškohtehta - Kalevalan kanšallista lapšientarhua. Videolaittehien ta šuomenkielisien šuarnakasettien hankinta šinne on vireilläh.

Vuotena 1995 talvikuun alušša šaura järješti Šuomuššalmešša yheššä Šuomuššalmen kunnan kera iltapäivätilaisuuvven, kumpasešša käsiteltih Vienan-Karjalan ta erityisešti Kalevalan piirin as's'oja.

Vuuvven 1996 piätapahtuma oli perintehellini Uhtuon pruasniekka, kumpani järješettih yheššä paikallisen Uhtuo-Šeuran (Uhut-šaura) ta Kalevalan piirihallinnon kera heinäkuun toisena netälinloppuna (6.–7.7.) **). Šen valmisteluissa oli mukana myöš Kalevalan piirin yštävyškunta Šuomuššalmi.

***) Oša Uhtuon pruasniekkah ošallistunuista šuomelaisista jatko matkua Paavo Ahavan joholla Puanajärvellä, Kemih ta Solovetskin manasterišuarilla. Tulomatalla myöš Jyškyjärvellä. Matan oppahana ta kiäntäjänä toimi uhtuolaini Svetlana Staskoit.*

Käytetty kirjallisuš: Sakari Vuoristo, Suvulta suvulle II -kirja, 1996

Luve lisyä Uhtuo-Šeuran alkuhpanemista ta kannattamista koulutuš- ta muista kohteista šekä toteutunehista projekteistä, menu-rivin eččošana: Uhtuo-Šaura ta vašemman reunan eččovalikko: Tukiprojektit